

Terenga 5: Hōtaka 36 – ‘Nā... i... ai’

He Mihi

Mā te muri rangaranga ēnei kupu whakamihi a mātou o Ako e kawe ki a koutou e mātakitaki mai nā i te hāneaneatanga o ō koutou tūhunga. He hōtaka tēnei e pai ai tā te kanohi hōmiromiro āta wetewete i ētehi takotoranga o te reo me kore a hinengaro rarerare e mārama kehokeho, ki runga, ki raro, ki hea ake rānei o te reo.

Hei Mahi Whakarongo

I tukuna te waiata e whai ake nei hei whakanui i te koroneihana o Kīngi Tuheitia, i runga i te marae o Tūrangawaewae.

Anei ngā pātai hei whakautu mā koutou:

- 1) Ko wai ngā ariki ka whakahuatia i roto i te waiata?
- 2) He aha i tīmata ai ki a Tūrongo rāua ko Mahinaarangi?
- 3) He aha te whakataukī mō te iwi e waiatahia ana?

Kia whakarongo tātou ki ngā whakaihuwaka o te ao haka o te wā, ki Te Waka Huia.


He Whakamārama

E rua ngā rerenga kōrero i tīmata ki te pū 'Nā' i rangona ai i roto i te waiata. E tohu ana te pū 'i' i te wā hipa o te mahi, o te āhua rānei. Tirohia ngā whakatakotoranga e rua me ngā rerekētanga o tētehi i tētehi.

- Nā te aroha i karanga mai (Rerekaimahi) Nā + kaimahi + i + tūmahī
- Nā te aroha i tutuki ai (Rerepūtake) Nā + pūtake + i + tūāhua + ai

He Mahi Ī-papa

Tuhia he rerenga kōrero hei tūhono i ngā wāhanga e toru kei runga i te Īpapa



Hei Mahi

Whakamāoritia ēnei rerenga kōrero e whai ake nei:

1. Mere wrote the book.
2. Mere was the reason the book was published.
3. Kimo sang the song.
4. Kimo was the reason the song was sweet.
5. My parents were the reason I succeeded.

Whakautu:

Mahi Īpapa: Nā Tāne Mahute i puta ai te ao mārama.

1. Nā Mere te pukapuka i tuhi.
2. Nā Mere te pukapuka i tāngia ai.
3. Nā Kimo te waiata i waiata.
4. Nā Kimo i reka ai te waiata. / Nā Kimo te waiata i reka ai.
5. Nā ōku mātua i angitu ai ahau. / Nā ōku mātua i eke ai au ki te taumata.